

# Batarsité

Mwin pa blan  
non mwin pa nwar  
tarz pa mwin si mon Listwar  
tortiyé kaf yab malbar  
mwin nasyon bann fran batar.

mwin pa blan  
non mwin pa nwar  
tarz pa mwin si mon Listwar  
Sinwa zarab zorèy komor  
mwin nasyon bann fran batar.

Rod atwé si ti vé  
asèt atwé si ti vé  
ton blansité  
rod atwé si ti vé  
giny atwé si ti vé  
ton fransité  
amwin m'la pa bézwin rodé  
amwin ferblan mon kalité  
i débord i koul atér  
sanm tout mon batarsité  
amwin m'la pa bézwin rodé  
amwin ganblo mon kalité  
i débord i koul atér  
sanm tout mon réyonèzté

Rod atwé si ti vé  
asèt atwé si ti vé  
ton pir linnsité  
rod atwé si ti vé  
giny atwé si ti vé  
ton pir sinwazté  
amwin m'la pa bézwin rodé  
amwin ferblan mon kalité  
i débord i koul atér  
sanm tout mon batarsité  
amwin m'la pa bézwin rodé  
amwin ganblo mon kalité  
i débord i koul atér  
sanm tout mon réyonèzté

Rod atwé si ti vé  
asèt atwé si ti vé  
ton pir lafrikinnté  
rod atwé si ti vé  
giny atwé si ti vé  
ton ropéinnté  
amwin m'la pa bézwin rodé  
amwin ferblan mon kalité  
i débord i koul atér  
sanm tout mon batarsité  
amwin m'la pa bézwin rodé  
amwin ganblo mon kalité  
i débord i koul atér  
sanm tout mon réyonèzté

Roul atwé si ti vé  
pyont atwé si ti vé  
zoli kozé  
amwin m'la pa bézwin roulé  
amwin sanm mon ti margonyé  
mi giny tir mon maloya  
mon narlgon kabaré  
mon séga kabaré

Ral atwé si ti vé  
dékony atwé si ti vé  
ton mapinm sové  
amwin m'la pa bézwin ralé  
amwin mon touf lo tin oté  
sa i ansèrv koman zoryé  
pou sana mon gaté  
amwin m'la pa bézwin ralé  
amwin mon touf lo tin oté  
sa i ansèrv koman zoryé  
pou nout dé mon gaté